

NULEPATE LEH ACING AKEMTE TUNG LAIKHAK

Melbourne Khuapi leh Mitchell Shire Khuapi aom nulepate leh acing akemte tung laikhak

Azahtakhuai nulepate leh acing akemte aw,

Na theihsa mah bang un, Victorian Government (Victoria Gamke Kumpi) in Term 3 na ah Victoria gamke sunga sangte ading gelnate tawh kisai a thupi mahmah theihsakna pawlkhat nei uhhi.

Victorian Chief Health Officer (Victoria Gamke Cidmana Lam Zumpi) pan theihsakna tawh kizui-in, Melbourne Khuapi leh Mitchell Shire Khuapi aom Victoria Kumpi sangte in a nuai-a kisuak sak bangin Term 3 na Nipikal 1 na ading gelna bucing aneng atawng in nei ding uhhi. Sangte in Nipikal 2 na kipat pan Prep pan Kum 10 gual sangnaupangte ading agamla leh a lemthei bang laisinna lamah pai ding uhhi.

Victorian Chief Health Officer (Victoria Gamke Cidamna Lam Zumpi) pan theihsakna ah sangte kihong kik thei ta ding hi cih ciapteh ding thupi mahmah hi. Victorian Chief Health Officer (Victoria Gamke Cidamna Lam Zumpi) in zum nasemte leh sangnaupangte in a zuih ding uh cidamnalang gelnate tawh kisai theihsaknate zong pia uh a, tuate bangin i zuih ding ahi hi.

Tua gelnate laihkikna ahang in sangnaupang phazah khiapsuk nading leh Melbourne Khuapi leh Mitchell Shire Khuapi bup aom nulepate leh acing akemte coronavirus (COVID-19) kilawhna a kiam nading ngimna ahi hi.

Ahi zongin, maitang kimu a laihilhna neihsuak ding zong sangnaupang pawlkhat ading thupi hi. Tua sung ah Kum 11 leh 12 gualte (leh a laisinna program sungah VCE ahih keileh VCAL nei Kum 10 gual sangnaupangte) kihel uhhi, banghang hiam cihleh sangnaupang khempeuh in VCE ahih keileh VCAL khat zaw sangsang zom thei, ngah ding uhhi.

Pilna namkhat lian bek sinna sangte ah akah sangnaupangte in maitang kimu in laisinna tua sangte ah sia/siamahte leh panpih nasemte huhna a kicingin a ngah ding uh thupi mahmah hi. Nulepate leh acing akemte in inn pan a sep zawhloh na mun aa innkuante, leh a mun ngiat ah panpihna piak ding kisam dangte ka panpih ding uh zong kisam hi.

Kamciam pia thuah to lai leng, Melbourne Khuapi leh Mitchell Shire Khuapi aom kumpi sang dang khempeuhate tawh kibangin, i sang in zong sangkah kipat ni in sangnaupang khempeuh cisa ki tehsak ding hi. A zenzenin na nau tano in cisa a nei leh, sang pan hong kipi kik sak ding hi.

Gelna vaihawmna thakte a kicingin a nuai ah kigelh hi.

July 13th Monday – July 17th Friday

Kum 11 leh 12 gual sangnaupangte, VCE ahih keileh VCAL sin Kum 10 gual sangnaupangte, leh pilna namkhat bek lian sinna sangte ah a ki-ap sangnaupangte July 13th Monday ni sang pai kik ding uhhi.

July 13th Monday – July 17th Friday kikal sung Prep pan Kum 10 gual sangnaupangte ading sang kahloh ni hi ding hi. Tua sang kahloh ni te in zum nasemte July 20th Monday ni pan agamla leh a lemthei bang laisinna laih nading kigin hun ngahsak ding hi.

A mun-ngiat ah encik ding a kisam sangnaupangte ading tua mipikal sungah kivaihawm sak ding hi. Tua program pen nulepate/acing akemte in inn pan a sep zawhlohna munte kingah dinga, a thanem sangnaupangte ading gelna vaihawmna dang bangmah kinei lo ding hi.

Gelnate panpih nadingin, tua program na lunggulh leh, na sang hopih in.

Tua gelna vaihawmnate bang lian mah Melbourne Khuapi leh Mitchell Shire Khuapi aom sang khempeuhte ah om ding hi.

July 20th Monday ni pan kipan ding

July 20th Monday ni pan kipan in, i sang in agamla leh a lemthei bang laisinna lam kipai ta ding hi. Tua sungah a nuai-a lobuang sangnaupang khempeuh ading ahi hi.

- Kum 11 leh 12 gual sangnaupangte leh Kum 10 gual sangnaupangte ading VCE ahih keileh VCAL program
- pilna namkhat lian bek sinna sangah a ki-ap sangnaupangte

A nuai-a sangnaupangte in a mun-ngiat ah encik theih dingin, sang kah thei ding uhhi, ahih hangin, agamla laisinna program zong kah thei veve ding uhhi:

- inn ah kilawm kituak gelna vaihawmnate neihsak zo loin, naupangte a encik manlo nulepate/acing akemte ii tate a kipan, kumpi sangah semin, a mun-ngiat ah pai ding a kul sia/siamahte' tate,
- a thanem sangnaupangte
- a mun-ngiat ah kah dingin a teel cidamlo sangnaupangte.

Term 2 na ah agamla leh a lemthei bang laisinna kah dinga kikoih te ading, gelna vaihawmnate a kibang mah in ki hih sak ding hi.

Sangnaupangte a laisinna vuah panpih suak lai ding maw cih tawh kisai nang ading teel ding pawlkhat zum ah om a, tua laisinna pen *Learning from Home (Inn pan Laisinna)* website education.vic.gov.au/homelearning ah ki-en thei hi.

Coronavirus (COVID-19) leh sang tawh kisai thuthakte Department of Education and Training (Pilsinna leh Siamsinna Lam Zum) website: education.vic.gov.au/coronavirus ah om hi.

Ulian ahi a, naupangte ahizong muktuum ahih keileh kidalna zat pen sanginnte ah tulaitak ki thapia lo hi ci-in Victorian Chief Health Officer (Victoria Gamke Cidamna Lam Zumpi) in gen hi. Natna ngah om den ahih manin, sanginn sung leh sang paina leh inn ciahna kikal ah maituum a bulh nuam sangnaupangte in bulh thei uhhi.

Tua khit teh, a tawpna ah, a zenzenin nang, na tano, ahih keileh na innkuanpih khatpeuh cisa, khuasik, khua-ul suak, bukkhuh, gawlina, husamh, naptui, a gimnam zalo, ankan limlo cihbangin na om uh leh, coronavirus (COVID-19) kisitna ah va kisit in, inn ah om ding ahi hi.

Sang kiim sang paam bitsak sak ding nakpitakin thupi hi.

Department of Health and Human Services (Cidam leh Mihing Panpih Nasepna Lam Zum), pan cidamna lam tawh kisai thulelate na theihnop leh, dhhs.vic.gov.au/coronavirus ah lut in.